

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001  
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	5272

Strana:  
1 od 1

Broj protokola:

02-1-04-9-2286-15/19

JAVNO

**DATUM:**

20.02.2020

**PRIMALAC:**

BULMOR INDUSTRIES GmbH, Austrija

**PREDMET:**

Nabavka robe: Isporuca originalnih rezervnih dijelova i usluge interventnog servisa za opremu proizvođača BULMOR INDUSTRIES GmbH (za period od dvije godine)

**VEZA:**

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Isporuca originalnih rezervnih dijelova i usluge interventnog servisa za opremu proizvođača BULMOR INDUSTRIES GmbH (za period od dvije godine), provedene metodom Pregovarački postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena vaša ponuda za nabavku predmetne robe.

S poštovanjem,

**DOSTAVLJENO:**

1. Ponuđaču
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a



DIREKTOR

Armin Kajmaković



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direk@sa-sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 641	opc@sarajevo-airport.ba
FINANSIJE	+387/ 33/ 289 162	+387/ 33/ 289 234	findept@sarajevo-airport.ba
KOMERCIJALA	+387/ 33/ 289 177	+387/ 33/ 289 154	comdept@sarajevo-airport.ba
WEB	www.sarajevo-airport.ba		



<b>UPRAVA DRUŠTVA</b>	Strana: 1 od 2
Broj protokola: 02-1-04-7-7286-14/19	JAVNO

Datum: 19.02.2020. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke robe: Isporuca originalnih rezervnih dijelova i usluge interventnog servisa za opremu proizvođača BULMOR INDUSTRIES GmbH (za period od dvije godine), imenovane Rješenjem, broj: 02-1-04-7-7286-5/19 od 04.02.2020. god., Uprava J.P. Međunarodni aerodrom "SARAJEVO" d.o.o. Sarajevo na 130. sjednici održanoj dana 19.02.2020. god., donosi

## ODLUKU

### I

Prihvata se ponuda ponuđača BULMOR INDUSTRIES GmbH, Austrija, za nabavku robe: Isporuca originalnih rezervnih dijelova i usluge interventnog servisa za opremu proizvođača BULMOR INDUSTRIES GmbH (za period od dvije godine), zavedena na protokol Naručioca pod brojem: 04-6-04-7-1324-0/20 od 10.02.2020. god., koji je ponudio cijenu za predmetnu nabavku koja ne može preći iznos od 7.669,38 EUR (15.000,00 KM, bez PDV-a).

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

## O b r a z l o ž e n j e

Postupajući u skladu sa čl. 17. i 18. Zakona o javnim nabavkama, a u cilju izbora najpovoljnije ponude za nabavku robe: Isporuca originalnih rezervnih dijelova i usluge interventnog servisa za opremu proizvođača BULMOR INDUSTRIES GmbH (za period od dvije godine), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke broj: 02-1-04-7-7286-3/19 od 05.11.2019. god., a Rješenjem o imenovanju Komisije, broj: 02-1-04-7-7286-5/19 od 04.02.2020. god., imenovao Komisiju za provođenje postupka nabavke.

Naručilac je, postupajući u skladu sa naprijed navedenom Odlukom, uputio poziv za dostavu kvalifikacionih dokumenata i komercijalne ponude potrebnih za provođenje procedure Pregovaračkog postupka bez objavljivanja obavještenja o nabavci, odnosno poziv na pregovore, na adresu ponuđača BULMOR INDUSTRIES GmbH, Austrija, s obzirom da je navedeni ponuđač proizvođač i ekskluzivni serviser i distributer predmetne opreme.

Do ostavljenog roka za predaju kvalifikacionih dokumenata i komercijalne ponude, 11.02.2020. god., pozvani ponuđač je dostavio svoju inicijalnu ponudu, koja je zavedena na protokol Naručioca pod brojem: 04-6-04-7-1324-0/20 od 10.02.2020. god.

Na javnom otvaranju ponude, koje je održano isti dan u 10:15 sati, bez prisustva predstavnika ponuđača, pročitana je naziv ponuđača i ponuđene cijene za naprijed navedenu robu i uslugu.

Nakon javnog otvaranja ponude, Komisija je izvršila uvid u spisak kvalifikacionih dokumenata i konstatovala da ponuđač nije dostavio traženu dokumentaciju. Naime, ponuđač se pismenim putem izjasnio da nije u mogućnosti dostaviti traženu dokumentaciju, objašnjavajući da prikupljanje zahtijevane dokumentacije za njega predstavlja veliki napor (konstatovano u zapisniku sa otvaranja ponuda), i da je neisplativo u odnosu na vrijednost ugovora (15.000,00 KM, odnosno 7.669,38 EUR), jer se radi o ugovoru male vrijednosti za koji se po propisima njegove zemlje ne zaključuje ugovor. Dalje je naglasio da želi saradnju sa ugovornim organom i zaključenje ugovora, ali bez dostavljanja traženih dokumenata kao što su npr.: PDV, ID broj, izjave po čl. 45. i 52. itd.

Uvidom u dostavljenu ponudu, Komisija je konstatovala da je ponuđač dostavio cijene rada ovlaštenog servisera BULMOR INDUSTRIES GmbH, Austrija, i to: rad certificiranog inženjera: **130,00 EUR/h**, troškove putovanja: **80,00 EUR/h**, satnicu putovanja servisera putničkim vozilom: **0,94 EUR/h**, a korištenje drugih vidova prevoza (voz, bus, avion) se uvećava za 10 %.

Vrsta dok.	Izdavač
<b>ODL</b>	<b>01-3</b>
Strana: 2 od 2	
JAVNO	

Isporuka nespecificiranih rezervnih dijelova će biti obračunati po važećem Cjenovniku na dan isporuke, s tim da ukupna vrijednost predmetne nabavke ne može preći iznos od 15.000,00 KM shodno Odluci PP broj: 22/19 od 05.11.2019. god.

S obzirom na naprijed navedeno, Komisija za javne nabavke je sagledala sve okolnosti i probleme oko provedenja ovog Pregovaračkog postupka, te je više puta pokušala od ponuđača dobiti nedostajuću dokumentaciju, koju na kraju nije ni dobila, ali je imajući u vidu važnost predmetne nabavke za nesmetano funkcionisanje aerodroma, ocijenila da se Pregovarački postupak nastavi sa pozvanim ponuđačem, posebno kada je imala u vidu činjenica da je navedeni ponuđač/proizvođač jedini ovlašteni serviser opreme marke BULMOR INDUSTRIES GmbH, Austrija, te da se od drugog ponuđača predmetna nabavka ne može realizirati.

Komisija je kod zauzimanja ovakvog stava, uzela u obzir i stav Agencije za javne nabavke po ovom pitanju, tumačenje dato na seminarima za javne nabavke, kao i dosadašnje iskustvo Naručioaca, posebno u pregovaračkim postupcima sa stranim kompanijama i problemima koji se u ovim postupcima javljaju, jer se nabavka vrši od ponuđača/proizvođača koji je jedini proizvođač i ovlašteni serviser tražene robe i opreme, kao što je i u ovom slučaju kod opreme marke BULMOR INDUSTRIES GmbH, Austrija, jer se od drugog ponuđača predmetna nabavka ne može realizirati. Poništavanjem postupka predmetne nabavke i njegovim ponavljanjem, došlo bi se do istih rezultata, samo bi se izgubilo na vremenu realizacije ugovora.

Komisija je konstatovala da je dostavljena ponuda ujedno i konačna ponuda.

Imajući u vidu naprijed navedeno, Komisija ocijenila da je Pregovarački postupak sa ovlaštenim ponuđačem proveden u skladu sa ZJN i predložila Upravi Društva da se ugovor zaključi sa ovim ponuđačem, koji je jedini ovlašteni serviser opreme marke BULMOR INDUSTRIES GmbH, Austrija, na iznos od 7.669,38 EUR (15.000,00 KM, bez PDV-a), na period od dvije godine, jer se od drugog ponuđača predmetna roba ne može nabaviti.

Uprava J.P. Međunarodni aerodrom "SARAJEVO" d.o.o. Sarajevo na 130. sjednici održanoj dana 19.02.2020. god., razmotrila preporuku Komisije, te je, nakon uvida u vođeni Pregovarački postupak, istu prihvatila.

S obzirom na naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 70. Zakona o javnim nabavkama, a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

  
**DIREKTOR**  
 Armin Kajmaković

Prilog: Zapisnik o pregledu i ocjeni ponude.

**DOSTAVLJENO:**

1. Upravi Društva
2. Sektoru komercijale
3. Sektoru za PKO poslove
4. Ponuđaču (co.)
5. Sektoru finansija (co.)
6. a/a